

Ibuku rĩa Ngai kūrĩ ciana nĩĩrakũrehera

Gũciarwo kwa Jesũ



Rwandĩkĩtwo nĩ: Edward Hughes

Rũthathaũrĩtwo nĩ: M. Maillot

Rũtaũrĩtwo nĩ: Christian Lingua

Rũharĩrĩrio nĩ: E. Frischbutter; Sarah S.

Rũgano rwa mĩrongo itatũ na ithathatũ harĩ ng'ano mĩrongo itandatũ

www.M1914.org

Bible for Children, PO Box 3, Winnipeg, MB R3C 2G1 Canada

Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.


Gĩkũyũ

Kikuyu

Rĩmwe tene, Ngai agĩtũma mũraika
Gaburieri kwĩ mũirĩtu thingi
mũyahundi wetagwo Maria.
Akĩmwĩra, "Nĩũkũgĩa na mwana
wa kahĩ na ũkamwĩta Jesũ.
Agetwo Mũriũ wa ũrĩa ũrĩ

igũrũ mũno
makĩria.

Agathana
tene na
tene."



1

"Kũngĩhotekana afĩa?" Mũirĩtu
ũcio akĩũria agegete. "Ndirĩ
ndonana na mũndũ mũrũme
kĩmwĩrĩ." Mũraika ũcio
akĩra Maria atĩ
mwana ũcio
akoima
kwĩ Ngai.
Ndagokorwo
na ithe
mũmũciari.




2

Mūraika ũcio agĩcoka akĩira Maria afĩ mutumia ũmwe matarainie, wetagwo Elisambethi, nĩekũgĩa na mwana ona e mũkũrũ. Ũndũ ũyũ o naguo warĩ wa kũgegania. Thutha ũcio, Maria agĩthĩ gũcereera Elisambethi na magĩkumia Ngai me hamwe.



3

Maria nĩorĩtio ahikĩre mũthuri wetagwo Jothefu na agefĩkĩra. Jothefu nĩanyitirwo nĩ kĩa rĩrĩa amenyire afĩ Maria aarĩ mũritũ. Agĩciria he mũthuri ũngĩ ũrĩa arĩ we ithe wa mwana ũcio.



4

Kĩrotinĩ, mūraika wa Ngai akĩira Jothefu afĩ mwana ũcio aarĩ Mũriũ wa Ngai. Jothefu aarĩ ateithanĩrĩrie na Maria kũrera Jesũ.



5

Jothefu akĩhoka Ngai na akĩmwathĩkĩra. Ningĩ agĩathĩkĩra watho wa bũrũri wake. Nĩtondũ wa watho mwerũ warutĩitwo, we na Maria makiumagara marorete itũrainĩ rĩao



6

rĩetagwo Bethlehemu kũrĩha magoti mao.

Maria agĩkinyĩrĩra kũgĩa na mwana. No Jothefu ndonire nyũmba, nĩtondũ nĩkawa yotho nĩyaiyũrĩte.



7

Thutha mũtheri, Jothefu akĩona kiugũ kĩa ng'ombe. Hau nĩho mwana Jesũ aciarĩirwo. Nyina akĩmũkomia mũharatĩinĩ, harĩa mahiũ mekagĩrĩrwo irio.



8

Hakuhĩ na hau, nĩharĩ na arĩithi marangagĩra mahiũ mao. Mũraika wa Ngai akĩmaumĩrĩra na akĩmahe ũhoro ũcio wa magegania.



9

"Ūmũthĩ, thĩnĩĩ wa itũra rĩa Daudi, nĩmũciarĩrwo mũhonokia ũrĩa arĩwe Mwathani Kristũ. Nĩmũgũkora mwana ũcio akomete mũharatĩĩnĩ."



10

O rĩmwe, araike angĩ aingĩ maarĩ na ũtheri mũnene makiumĩra, magĩthathayagia Ngai makiugaga, ...



11

... "Ūgoci nĩ kũrĩ Ngai ũrĩa ũrĩ igũrũ mũno makĩria na kuo thĩ kũrogĩa na thayũ. Wega wake ũrokinyĩra andũ othe."



12

Arĩithi acio magĩteng'era kiugũinĩ kũ. Thutha wa kuona mwana ũcio, makĩra andũ arĩa matũnganaga nao ũrĩa araike moigĩte igũrũ rĩa Jesũ.



13

Thutha wa thikũ mĩrongo ĩna, Jothefu na Maria magĩtwara Jesũ hekarũinĩ kũu Jerusalemu. Kũu hekarũinĩ, nĩkwarĩ na mũthuri wetagwo Simioni ũrĩa wakumirie Ngai igũrũ rĩa mwana ũcio, na ningĩ mutumia mũkũrũ wetagwo Anna, o nake waarĩ ndungata ya Ngai, agĩcokeria Ngai ngatho.



14



Marĩ eerĩ, nĩmamenyete atĩ Jesũ aarĩ Mũriũ wa Ngai, Mũhonokia ũrĩa weranĩrwo. Jothefu akĩruta igongona rĩa nyoni igĩrĩ. Rĩrĩ nĩrĩo rĩarĩ igongona rĩrĩa watho wa Ngai waugĩite andũ arĩa athĩni marutage rĩrĩa maraheana gakenge kwĩ Mwathani.


15



Thutha ũcio, njata ya mwanya ĩgĩtongoria athuri maarĩ oogĩ kuma bũrũri warĩ

na mwena wa irathĩro wa Jerusalemu. Makĩũria, "E na kũ ũrĩa ũciarĩtwo e ta Mũthamaki wa Ayahundi?" Makiuga, "Nĩtũrenda kũmũthathaiya."

16



Mũthamaki Herode akĩgua ndeto igũrũ rĩa athuri acio oogĩ. Athumbũkĩte mũno, akĩmera mamũmenyithie mona Jesũ. Akiuga, "O na nĩ nĩngwenda kũmũthathaiya." No nĩkũhenania ahenanagia tondũ endaga kũraga Jesũ.

17



Njata ĩyo ĩgĩtongoria athuri acio oogĩ nginya he nyũmba ĩrĩa Maria na Jothefu maikaraga hamwe na mwana wao. Ageni acio magĩturia maru kũmũthathaiya na magĩcoka makĩhe Jesũ iheo cia goro, cia thahabu na maguta manungi wega.

18




Ngai egĩkania athuri acio oogĩ akĩmera macoke kwao mehithĩite. Herode akĩrakara mũno.

19



Nĩtondũ nĩerutĩire biũ kũiraga Jesũ, mũthamaki ũcio mũũru akĩũraga ciana ciothe cia tũhĩĩ itũrainĩ rĩu rĩa Bethlehemu.

20



No Herode ndang'ahotire kũgera Mũriũ wa Ngai ngero! Nĩtondũ nĩonetio kĩrotiinĩ ũrĩa Herode endaga gwĩka, Jothefu akĩoya Maria na Jesũ makĩũrĩra bũrũriinĩ wa Misiri.

21

Rĩrĩa Herode akuire, Jothefu agĩcokia Maria na Jesũ kuma bũrũriinĩ wa Misiri.



Magĩkara itũrainĩ inini rĩetago Nazarethi hakuĩ na iria rĩa Galili.

22

Gũciarwo kwa Jesũ

Rũgano kuma Kiugoinĩ kĩa Ngai,
kĩrĩa kĩa Ibukuiĩ rĩa Ngai,

zurĩ thĩinĩ wa

Mathayo 1-2, Luka 1-2

"Ciugo Ciaku ciatarĩrio nĩrehaga ũtheri."
Thaburi 119:130



Ngai nĩoĩ atĩ nĩtwĩkĩte maũndũ moru,
marĩa etaga mehia. Mũcara wa mehia nĩ gĩkuũ.

Ngai nĩatwendeta mũno makĩria nginya agĩtũma
Mũrũ wake, Jesũ, akue mũtharabainĩ nĩguo arĩhe
thiirĩ witũ. Jesũ nĩariũkire na agĩcoka igũrũ!
Rĩu Ngai no atuohere mehia maitũ.

Angĩkorwo no wende kũgarũrũka kuma mehaiinĩ
maku, ĩra Ngai ũũ: We Ngai ũnyendete, nĩndetĩkia atĩ
Jesũ akuire nĩtondũ wakwa, na rĩu e muoyo. Nĩndakũhoyo
ũũke mũtũrĩreiniĩ wakwa na ũnjohere mehia makwa, nĩguo
kuma rĩu ngĩe na muoyo mwerũ, na thutha ngatũrania
nawe tene na tene. Ndeithia gũgũtũrĩra ndĩta
mwana waku. Nĩgũtuĩke ũguo. Johana 3:16

Thoma Ibuku rĩa Ngai na waranagĩrie
nake o mũthenya o mũthenya!